

World Vision Bosna i Hercegovina

Jačanje kapaciteta i senzibilizacija lokalne zajednice i osoblja u privremenim prihvatnim centrima o rizicima trgovine ljudima

Organizacija: **WORLD VISION BOSNA I HERCEGOVINA**

Zemlja: **Bosna i Hercegovina**

Datum: **April 2024**

Opis tražene usluge:

Projekat „Jačanje proaktivne identifikacije, mentalnog zdravlja i psihosocijalne podrške za prevenciju i borbu protiv krijumčarenja i trgovine ljudima u BiH (i regionu)“ ima namjeru da poboljša ulogu i učinkovitost mjera proaktivne/mobilne identifikacije, mentalnog zdravlja i psihosocijalne podrške u borbi protiv krijumčarenja migranata i trgovine ljudima u BiH (i regiji), s fokusom na ranu identifikaciju i upućivanje pomoći i zaštite potencijalnim žrtvama trgovine ljudima u skladu sa njihovim specifičnim potrebama i oblicima iskorištavanja kojima su bili izloženi.

Svrha:

Angažman ima za svrhu uključivanje svih relevantnih aktera i profesionalaca lokalne zajednice kroz organizovanje informativno-edukativnih sesija u lokalnoj zajednici te jačanju kapaciteta osoblja unutar privremeno prihvatnih centara koji svakodnevno pružaju usluge i rade sa migrantskom populacijom, posebno sa fokusom na djecu i maloljetnike bez pratnje radi promicanja informacija i znanja o rizicima trgovine ljudima i krijumčarenja, te mehanizmima prijave i zaštite unutar privremenih prihvatnih centara (u daljem tekstu PPC).

Zaduženja i odgovornosti

Ovaj dokument opisuje radni zadatak za konsultanta/icu koji će pružiti sljedeće usluge:

- Organizacija u odabiru i odazivu predstavnika relevantnih institucija, ustanova, organizacija i članova šire zajednice općine Hadžići za učešće na informativno-edukativnoj radionici.
- Voditi informativno-edukativne sesije za odabrane članove lokalne zajednice općine Hadžići s ciljem podizanja znanja lokalne zajednice Hadžići o rizicima trgovine ljudima i krijumčarenja ljudi, te senzibilizirati zajednicu i mogućnostima inkluzivnog pristupa prema potrebama korisnika privremeno prihvatnog centra
- Izvršiti obuku WV osoblja koje svakodnevno radi i pruža usluge korisnicima unutar privremeno prihvatnih centara (Kanton Sarajevo: Ušivak i Blažuj, Unsko-sanski kanton: Borići) o tome kako prepoznati trgovinu ljudima, kako kroz svoj svakodnevni rad pomoći i osigurati zaštitu potencijalnim žrtvama trgovine ljudima, na koji način trebaju biti uključeni u intervenciju zaštite, kako promicati i koristiti mehanizme zaštite i prijavljivanja potencijalnih slučajeva. Omogućavanje obuke za WV osoblje koji su prvi u kontraktu sa korisnicima, kao potencijalnim žrtvama trgovine ljudima i kako im pomoći bit će uključeno u ovu intervenciju, kao i kontinuirano promicanje mehanizama (samo)prijavljivanja dostupnih na više jezika u kojima korisnici PPC mogu anonimno potražiti pomoć.
- Razviti sadržaj informativnog materijala za potrebe rada u kampovima koje će biti upućene prema migrantskoj populaciji o tome kako prepoznati potencijalne prijetnje i gdje potražiti pomoć.

Specifični ciljevi:

Očekivani rezultat	Period implementacije ili datum dospjeća
Pripremljena lista aktera lokalne zajednice Hadžići za poziv i učešće na radionicama	Kraj maja 2024.god.
Izvršene 2 informativno-edukativne sesije sa akterima lokalne zajednice Hadžići	I sesija Juni 2024. god, Hadžići II sesija Oktobar 2024.god. Hadžići

Izvršene 2 obuke za WV osoblje koje svakodnevno radi i pruža usluge korisnicima unutar privremeno prihvatnih centara (Kanton Sarajevo: Ušivak i Blažuj)	I obuka Juni 2024. PPC Ušivak II obuka Septembar 2024. PPc Ušivak
Isporučen sadržaj/tekst sa informacijama za informativni materijal	Kraj maja 2024.god.

Vremenski okvir:

- Objava poziva za ponude – 24. april 2024.
- Slanje ponuda na adresu WV-a najkasnije do 8. maja 2024.

Napomena: Zbog specifičnosti rada privremenih prihvatnih centara, precizni datumi i vrijeme održavanja aktivnosti će se dogovorati i koordinirati sa WV u BiH. Od kandidata se očekuje fleksibilnost u usklađivanju plana rada i realizacije aktivnosti.

Background:

World Vision je kršćanska organizacija za pomoć, razvoj i javno zagovaranje, posvećena radu sa djecom, porodicama i zajednicama kako bi prevazišli siromaštvo i nepravdu.

World Vision služi svim ljudima bez obzira na religiju, rasu, etničku pripadnost ili spol. Prisutni smo u preko 100 zemalja svijeta, a u BiH djelujemo od 1994. godine.

Potrebno/poželjno iskustvo i vještine:

- Minimalno univerzitetska diploma, poželjno iz oblasti socijalne zaštite ili srodnih studija,
- Minimalno 5 godina iskustva u radu sa migrantskom populacijom
- Poznavanje međunarodnih i nacionalnih pravnih okvira i zaštite iz oblasti trgovine ljudima u BiH
- Posjeduje odlične komunikacijske i organizacijske vještine
- Posjeduje znanje i iskustvo u vođenju obuka, sesija, sastanaka sa različitim korisnicima
- Posjeduje organizacijske vještine pisanog i usmenog predstavljanja;
- Poznaje aktere i ostvaruje saradnju sa predstavnicima institucija i organizacija općine Hadžići
- Sposoban/na za rad u timskom i interkulturalnom okruženju uz minimalan nadzor;

World Vision će donijeti odluku o najuspješnijem ponuđaču na osnovu sljedećih kriterija:

- Pojedinci sa iskustvom i kvalifikacijama u obavljanju navedenih ili sličnih poslova
- Najpovoljnija ponuda u odnosu na ponuđeni kvalitet

Da bi se prijavili na ovaj poziv, aplikanti trebaju ispuniti sljedeće uslove za predaju ponuda:

Aplikant treba da preda sljedeću dokumentaciju:

1. Detaljan plan rada sa kratkim opisom aktivnosti i vremenom trajanja,
2. Sažetak o ekspertizi i iskustvu na sličnim zadacima
3. CV sa relevantnim kvalifikacijama i radnim iskustvom,
4. Lista referenci o izradi istih ili sličnih strateških dokumenata sa mogućnošću provjere,
5. Potpisana izjava/saglasnost da će ponuđač (ili bilo ko od direktora ili službenika) biti otvoren za provjeru podataka uključujući i WV platformu za provjeru podataka "Watch dog screening" (gdje je primjenjivo),
6. Potpisan "Supplier code of conduct"
7. Finansijska ponuda potpisana i poslana u PDF verziji

Procedura:

Ponuda za poziv br. FY20_467 – Izrada nacionalnog Akcionog plana za borbu protiv trgovine ljudima

Javni poziv ostaje otvoren do 8. maja do 12:00 sati. Ponude u skladu sa uputstvom iz detaljne dokumentacije potrebno je dostaviti na email admindept_bih@wvi.org. Sve ponude koje ne budu dostavljene do navedenog vremena ili ne budu u skladu sa uslovima poziva neće biti uzete u razmatranje. Ukupan iznos ponude treba da uključuje sve direktne i indirektne troškove koji se odnose na ponudu.

Samo kandidati koji uđu u uži izbor će biti kontaktirani. Nakon izbora, odabrani ponuđači će biti obaviješteni o datumu potpisa ugovora. Odabir ponuđača će biti vršen na osnovu tehničkih i finansijskih kriterija, kako je definisano pozivom.

Za sva pitanja molimo Vas da nas kontaktirate na admindept_bih@wvi.org. Na telefonske upite ne odgovaramo. Objavljivanje ovog poziva za ponude i prijem ponuda neće na bilo koji način obavezivati World Vision BiH niti bilo koji drugi ured unutar World Vision partnerstva.

World Vision neće biti odgovoran za, niti će podlijevati bilo kakvim troškovima koje ponuđači naprave tokom pripreme svojih podnesaka ili prezentacija vezanih za ovaj poziv za ponude.

Nijedna strana neće koristiti ime druge strane u saopštenjima za javnost, preporukama, za potrebe marketinga ili sličnih aktivnosti, bez prethodne pismene saglasnosti druge strane.